

籌辦夷務始末

籌辦夷務始末卷之四十九

咸豐十年庚申三月乙丑

盛京將軍玉明奏竊照前奉

諭旨著才於春冰泮時督帶防兵親往田莊臺駐紮相機布置等因欽此才現查田莊臺河口冰雖未泮而前奏金州海口已見夷船自應及早到防以資布置隨將前備官兵一千名揀派協領雙成等分起管帶於二月十六日由省起程間二日前進才親帶馬隊二百名攜帶將軍印信於二十五日督後行走俟到防後如有應行布置之處再為隨時

奏請

硃批。知道了。

戊辰著黑龍江將軍特普欽齊齊哈爾副都統那敷德奏
竊等。奉准軍機大臣密寄。正月二十七日奉

上諭。特普欽等奏。查明鄂倫春一項人等。擬於本年春季交差之
後。收羅團聚。分布要隘。可期緩急應用。著即照所議辦理。並著
妥議章程等因。欽此。等。查此項牲丁。向分五路。有墨凌阿鄂
倫春。向皆食餉。當差。其推法罕鄂倫春。僅止按年捕貢貂
皮。向不當差。亦不食餉。均以游牧為生。散居山野。衣革啖
肉。間以牲畜皮張。易米用度。若遽令遷移內地。不惟與伊
等生計有礙。且各該游牧地方。牲畜蕃滋。多有與俄夷接

壞要隘。儻防範稍疎。恐夷人乘隙潛趨。占其地面。轉多未
便。若收羅團聚。必須各歸各路。相度山林地勢。擇要安插。
使之就近環居。藉以堵截防範。既可守其地址。不失本業。
亦不致任意遊行。而受夷人籠絡。仍責成該總管等。遇派
詣練妥員。稽察管束。平時聽其各自謀生。遇有緩急。隨時
徵調。再行按日的給口糧藥鉛。並可節省津貼。當將酌議
情形。開列條款。飭交布特哈總管等。率同所屬。覈其利弊。
斟酌損益。詳報前來。才等復加審定。謹將酌議章程。繪圖
貼說。恭呈

御覽

○庫瑪爾一路○大小男丁○二千零八十餘名○向在庫瑪爾
塔哈等處游獵○該處牲畜豐富○若全行移過內興安嶺以
內○轉恐夷人乘隙貪越○且該處舊有運糧要路○與墨爾根
北邊相通○亦應防範○擬將此路鄂倫春○收歸於黑龍江右
岸連西附近一二百里○以少半在庫瑪爾河岸內興安嶺
以外呼密肯山等處○三四百里之內○環居游獵○以大半在
漠魯爾河以上○與該鄂倫春向送口糧大路內興安嶺山
陽○四五百里之內○環居游獵○以備緩急調用○庶可無誤○
○畢喇爾一路○大小男丁○三百四十餘名○向在車勒等處
游獵○該處為俄夷接壤○可達省城要路○擬將此路鄂倫春

收羅於要路附近地方。令其在黑龍江右岸。迤西八九十里不等。內興安嶺內外。占河一帶。三四百里之內。環居游牧。以備緩急調用。庶可無誤。

一。托一路。大小男丁。三百三十餘名。該處為俄夷易於潛進之路。自墨爾根城起。北至謀哩勒克。為查邊要路。接連陶力罕山。向係布特哈人等。與鄂倫春。馱送口糧隘口。擬將此路鄂倫春。收羅在布特哈屯百里以外。內興安嶺以內。鄂斡河兩岸。托河等處。三四百里之內。環居游牧。堵截要隘。以備緩急調用。庶可無誤。

一。阿哩一路。大小男丁。二百一十餘名。多普庫爾一路。大

小男丁六十餘名。此兩路鄂倫春與墨爾根城切近。擬即
 收羅分布在兩路查邊要口附近。在內興安嶺以內庫玉
 爾河以上附哩河等處。三百里之內。環居游牧。以備緩急
 調用。庶可無誤。惟阿哩多普庫爾托。三路鄂倫春。若移在
 內興安嶺以內備調。其嶺外呼倫貝爾卡倫之東。謀哩勒
 克一帶地方。平坦遼闊。與該夷接壤。僅隔額爾固訥一河。
 恐夷人窺伺。乘隙潛越。亦須嚴防兼顧。查各處鄂倫春。原
 距呼倫貝爾較遠。緩急難期應用。所有呼倫貝爾一帶地
 方。應即責成向在該處附近游牧之新舊巴爾虎人等。一
 體防範。擬於呼倫貝爾與該夷會哨卡倫額爾固訥河以

下布魯河。護哩勒克河。兩處高阜處所。各添設卡倫一處。並在查邊要路額勒霍訥河根河渡口處。各添設卡倫一處。加派官兵坐守。與呼倫貝爾珠爾特依卡倫會哨巡查。遞報信息。以期周密。以上五路鄂倫春所食口糧。均以牲畜皮張易換。向由索倫達呼爾各措達運送接濟。除庫瑪爾一路。山河過多。擬將夏季口糧。飭令該旗發給執照。由黑龍江水路運送。其餘四路。均令各該措達。並該旗賣米人等。照舊按季運送。准其易換牲畜皮張。每次每口給米一大斗。均令送至聚集游獵地方。聽其公平交易。不准稍有抑勒。如八旗人等。有願多帶口糧售賣者。亦准一同前

任令鄂倫春人等置買俾之充裕仍派官管帶稽查僕
送米之措達及賣米人等貪圖厚利藉端推脫耽擱一次
者著該管各官分別懲辦准該鄂倫春人等另覓售主所
欠舊債概免追索庶該鄂倫春等得以源源接濟不致遠
輟游獵地方並令該副管等將接濟之處按次結報以備
查叢除該管官外仍另派委員帶同兵役隨時按路抽查
務令該鄂倫春等各在指定地方不准越限游獵違者趕
緊收回分別懲治再據該總管等詳稱鄂倫春五路男丁
按戶比查雖一千九百五十餘名除老幼殘廢照料家口
外若遇調遣可期實在得力者不過五六百名現皆外出

游獵。驟難聚齊。擬俟該管官等。往收本年貢皮。至聚集處。所。逐細查看。一面曉諭收羅。令其各赴指定地方。一面擇其漢仗勇壯。烏槍嫻熟者。造冊呈報。並每路挑備官二員。領催兵等。叢計數用。以資管束。儻遇征調。即令迅往招聚。帶赴所指地方。以期無誤。再該鄂倫春等。向多嗜酒。每為酒米各債。偶索逃避。並有以衣物槍馬抵債。及該詣違等。亦向有指差索擾等弊。等等當隨處稽察嚴禁。務期各安生業。常在所指地方游獵。不致遠離。而期應用。硃批。另有旨。圖留覽。

諭軍機大臣等。前因特普欽等奏。將鄂倫春牲丁。收羅團聚。分布

要隘當諭令將如何酌給口糧。不受夷人籠絡之處。妥議章程具奏。茲據該署將軍等奏稱。酌議章程。繪圖呈覽。所有庫瑪爾。畢喇爾。托。阿哩。多。普庫爾。五路鄂倫春。著即照所擬地方。令其環居游牧。以備緩急調用。阿哩。多。普庫爾。托。三路鄂倫春。既移於內興安嶺以內。其嶺外呼倫貝爾。卡倫之東。謀哩勒克一帶。地方遼闊。恐該夷窺伺。著即責成該處附近游牧之新舊巴爾虎人等。一體防範。並非其於額爾圖納河以下。布魯河。謀哩勒克河。兩處。各添設卡倫一處。並在查邊要路。額勒霍納河。根河。渡口處。各添設卡倫一處。加派官兵坐守。與呼倫貝爾。珠爾特依。卡倫會哨巡查。以期周密。該鄂倫春所食口糧。應行接濟。及

挑備官員領催管束之處。均著照特普欽等所擬辦理。鄂倫春
五路男丁。經此次指定地方。設法接濟。並每路挑備官員領催
等管束。即不得令其任意遠離。務須隨時稽察。毋令越限游獵。
致為俄夷籠絡。是為至要。

特普欽等又奏。竊^{奴才}等前因夷情叵測。遵

旨豫籌布置。擬由墨爾根布特哈共挑兵五百名。以備黑龍江城
緩急策應。嗣承

諭旨。尚恐兵力不敷。必須聯絡該處旗民人等團練。以壯聲勢。並
將官兵扮作民間團練。儘該夷先啟兵端。亦即督飭兵勇抵禦。
等因。欽此。^{奴才}等復經督飭黑龍江城署副都統協領愛紳

奏悉心籌議。擬將沿江兩岸旂屯駐戶閤散西丹一體團練備防。先後奏蒙

聖鑒在案。惟查黑龍江左岸沿江一帶。上下四千餘里。除舊有旂屯地界外。其間數十里至百餘里不等。各有夷人村落。自上年冬間。該夷即有強蓋房間。搶取糧石之端。在在均須防範。轉瞬間。活夷船行駛之際。尤須加意嚴防。以備不虞。該處城垣切近江干。距省八百餘里。孤懸一隅。尤屬堪慮。所有前備團練西丹。既須各守各處。以免顧此失彼之虞。而現在收廳鄂倫春人等。又須兼防各路。調集終需時日。若將前備墨爾根布特哈兩處馬隊官兵。豫先調往常川。

駐守自春徂秋。需費較繁。當此經費支絀之時。亦不敢不兼思籌計。否則臨期征調。該處距黑龍江城四五百里。亦恐緩不濟急。才等反覆籌商。擬將前備官兵五百名。仍令在各該城操防聽調。另由齊齊哈爾省城。並墨爾根布特哈胡蘭等四城。八旗官屯營站開散餘丁內。覈計人數多寡。選擇年力精壯餘丁五百名。作為步隊。酌派官兵管帶。於開江以前。遣赴黑龍江城附近地方。擇要屯紮。扮作民間團練。以期聲勢聯絡。加以該處本城前練養育兵二百八十餘名。協力保護城垣。庶期一呼即至。無誤事機。其管帶教演各官。擬由職官內。擇其晚暢營務者。選派委營總

二員。委參領五員。並由軍功頂翎前鋒領催甲兵內。派委防禦馳騎校各十名。以資管束。仍派甲兵三十名。隨同教演。並攜帶馬匹。巡察哨探。各按各隊。由省城捐製軍械內。分給槓槍鳥槍刀矛等件。勤加教演。以資抵禦。其應需鉛藥鍋帳。由黑龍江城就近發給。俟封江後。查看夷情。如稍安戢。再行奏明撤回。各歸各處團防備用。該委營總委參領各員。係屬職官。在本省備防。應毋庸議。給口米柴薪。惟該官兵等。兩年未得俸餉。擬請照出差借銀之例。覈計日期。酌借銀兩。由應領俸餉按季扣還。不准另有開銷。至委防禦馳騎校甲兵餘丁等。共五百五十名。擬請每名日給

口糧粟米各一倉升。並日給柴薪銀五分。叢扣實銀三分。七釐六毫。以資用度。第查閑散餘丁。向無差操。概多貧寒。今遠赴團練。若不稍示體恤。未免苦累。擬請每名酌給置買衣服銀六兩。叢實銀四兩五錢一分二釐。其安防禦駝騎校甲兵共五十名。各帶馬一匹。每日各擬給馬乾銀五分。叢扣實銀三分七釐六毫。自開江起。至封江止。統計七箇月在防。共需口米一千五十五倉石。等。現擬募捐米石酌給。請免開銷。共需銀六千九百九十三兩六錢。合無

懇懇

鴻慈。由前奉

恩旨剗撥京餉銀四萬兩內○如數動用○另行造冊報部開銷○其餘銀兩○仍歸俸餉款內備用○如此酌量布置○庶帑項不至多糜○孤城稍有可恃○而沿江屯戶○亦藉免顧此失彼之虞○儻必須征調前備官兵○再行奏請調往○亦可緩急無誤○

硃批○依議○戶部知道○

特普欽等又奏○竊○才等前據黑龍江署副都統愛紳奏報稱○夷酋木哩斐岳幅○有欲往呼倫貝爾附近之英阿達河地方操兵之語○當經奏奉

諭旨○左岸屯地○既已被其侵占○恐其將來得步進步○以次擾及右岸等因○欽此○才等遵即飛剗黑龍江署副都統愛紳奏○呼倫貝

爾總管珠爾格訥等。派委妥員遵

旨往查右岸。究係有無英阿達河名目。木酋果否在彼揀兵。並密
派佐領富僧阿。前赴呼倫貝爾地方。詳細查探去後。茲據
署黑龍江副都統愛紳奏報稱。遵到向夷目布色依。設法
探詢。據稱英阿達河。在呼倫貝爾附近之額爾圖訥界河
北岸。該夷地界之內。木酋去冬先往該處操兵。從彼已往
奈忒城去等語。奈忒城亦在格爾畢齊界河北岸。均係該
夷界址。距呼倫貝爾若干里數。無憑查考。續據密差佐領
富僧阿呈報。於該處界內周查密訪。並無英阿達河名目。
亦無在附近右岸操兵情事。並據呼倫貝爾總管珠爾格

納○派員分路確查○與佐領富僧阿○所稟無異○惟據該總管
呈報○據巡卡副管烏爾圖那遜稟稱○正月二十八日○行抵
庫克多博卡倫○適有俄夷楚爾海圖卡倫之瑪玉爾紫剛
乳來見○告說該夷界內○不得乾柴○可否念兩國和好之道○
許我們由蒙克西堂卡倫處○徑入你們交界那罕臺地方○
砍運松木乾柴○祈為轉報等語○該副管烏爾圖那遜○隨向
拒阻○以不准越界答覆○該總管一面劄飭巡卡守卡各官
嚴加防範○一面呈報前來○等○查那罕臺地方○切近呼倫
貝爾城○西四十餘里○其蒙克西里卡倫○至海拉爾二百餘
里○海拉爾河兩岸○皆係新舊巴爾虎人等○游牧之地○斷難

任其闖入。隨即飛速飭覆該總管珠爾格納。務令各卡官
兵。加意嚴防。不准任其潛越。妄為。儻該夷必欲越界。搬運
木植。即傳聚附近游牧巴爾虎人等。併力抗拒。仍作為該
處居民不依。然後官為調處。以杜其窺伺之謀。並嚴飭前
派佐領富僧阿。幫同辦理去訖。再等。前據黑龍江署副
都統愛紳泰報稱。海蘭泡地方。自正月初五日起。至二十
二日。每有夷人三五。十名不等。紛紛上往該夷界內各山。
砍伐木植。詢俟冰泮。運下使用等語。並據報稱。正月初間。
海蘭泡夷目布色依。曾有攜帶婦女。同至黑龍江城。賀年
之事。並跪詞稱謝兩國和好無事。伊國主亦有來文。不准

生事之語。最其前此折卡益房之事。言行相悖。殊難以禮
義較量。愛紳秦隨。以必應體爾國主之心。加意管束。下人
免致有傷和好。向之婉言答覆。按其情形。似聞有團練聲
氣。又因木酋遠難。故為此詐偽之舉。虛相聯絡。茲適入有
砍伐木植等事。鬼域行蹤。實屬變詐莫測。

殊批知道了。

特普欽等又奏。才等據黑龍江署副都統愛紳秦詳稱。前
因烏魯蘇牡丹卡房。被俄夷拆毀後。暫移右岸霍羅綽地
方防守。嗣經察勘霍羅綽卡倫。地勢平坦。夏間瞭望不能
致遠。查有烏魯蘇牡丹對過右岸附近十二里之奇刺杜

丹地方高阜形勢與烏魯蘇牡丹相似。儻有夷船自烏魯蘇牡丹下駛。瞭望馳報。較為迅速。擬請每年冰泮後。將霍羅綽卡倫移至奇喇牡丹。坐守防範。至冬令船隻守凍之時。仍撤回霍羅綽地方。防守陸路。以資聯絡等情。呈報前來。等查該署副都統所請。於奇喇牡丹地方添設卡倫。係因地制宜。為防範嚴密起見。自應奏明准照所請辦理。硃批知道了。

庚午。

欽差大臣兩江總督何桂清奏。竊臣前將上海夷情及華夷各商力圖轉圜緣由。於正月二十七。及二月初四等日。先後專

摺馳奏。茲承准軍機大臣密寄。咸豐十年二月初六日。欽

奉

上諭一道。仰蒙

聖主指授機宜。曲全大局。跪誦之下。莫名欽服。伏查夷商所擬八
條。經江甯藩司薛煥。逐層辯駁。交給華商。轉向開導。以後
夷商允俟從緩再商。嗣據署蘇松太道吳煦。候補知府藍
蔚。實密稟。華商續向夷商探詢。該夷商等。僉稱。噶嚕嘶萬
分執拗。一聞勸其不可用兵之語。便稱我行我法。不為爾
等所愚。且甚怒天津誘其中計。我等雖願意息事。一時難
以勸令就範。現又接到本國來信。因佛國添兵。英兵亦有

續調等語。華商答以倭夷添兵。是欲生事。馬能請我撤防。前擬八條。若非設法議改。亦斷不能轉稟乞恩。夷商復稱議和之舉。出自該商等保全貿易之見。按噶魯斯私意。必欲戰勝負和。可以惟所欲為。若能勉允我等所請八條。或者尚可轉圜。遲亦恐來不及等情。並鈔錄新聞紙稟呈前來。臣查新聞紙本係無據之詞。亦未必盡屬於虛。所稱倭添兵。不可不防。且倭夷志在天津。倭夷欲占據舟山。即定海廳之說。與前次探報大略相符。此外封港阻漕等語。上海傳聞。日日有之。雖遠難深信。然噶魯斯復與布爾布。怪狼狽為奸。其情實屬兇狡。惟夷商所擬八條。諸多窒礙。

而該首因聞各路軍情喫緊。一時難以化解。若拒之已甚。轉無可乘之機。現象

聖諭。准其仿照味夷進京換約。正擬飭令薛煥。親往會辦間。續據吳煦等具稟。嘆首前有赴津投文之說。經夷商勸令即在天津投遞。旋與味首密議多日。即於二月十七日。由味夷喊。呀。嗎。佛。夷。梅。爾。登。送到。噶。魯。斯。噶。爾。噶。照。會。信。函。各一件。轉呈到臣。內各有照會大學士公文一件。請為轉遞。臣不敢拘泥。當將照會拆閱。所言甚為狂悖。可惡已極。嘆首首辦天津之役。並非該夷肇釁。欲令中華認咎。是欲我為之文過也。又言不駐京城。雖經額爾琿奏准。後因天津

見仗。該國王復行改議。是欲藉口翻異。彼既可改。則我亦可改也。其賠償兵費。以所請各款照辦之遲速。定數目之多寡。是空言要挾。彼可索費。我亦可索費也。惟仍以進京換約。以禮相待為請。其情概可想見。噶夷所請四條。專重賠償兵費。而又以駐京挾制。餘與噶夷大略相同。又據吳煦等密稟。探聞該夷等兵船。實已陸續遣發。又畏我天津兵威。是以先避此文。不過自明兵端。不自彼開起見。此又噶嚕嘶自占地步。恐將來再有欺誑。該國王自必添兵援應。並欲以此脅制夷商。使其不為我用之詭計。噶夷本非葷蠶之人。大抵隨聲附和。說上年味酋華若翰在京。桂良

等告以天津之仗。非出自聯酋本意。且聯夷兵船不多。早
邀

聖明洞察。該夷諒有所聞。第該酋等自天津滋事以後。從未言及
換約。今忽有此文。臣已分別照覆。允為轉遞。該酋等既有
三十日內等候大學士回文之說。其三十日之內。或可不
致決裂。相應奏請

訓示遵行。一面遵

旨。飭令薛煥。先行前往上海。會督吳煦等。密諭華商。籠絡夷商。為
設法鈐制之計。海運第四批漕糧。計期已將兌竣。臣已會
同撫臣徐有壬。密飭薛煥。吳煦等。偵探夷情。與蘇藩司王

有驗。斟酌辦理。以重正供。上海英夷兵船。二月初三以前。共存六隻。初三以後。共有進口兵船六隻。出口兵船五隻。出口之船。探有兩隻北駛。佛夷兵頭探聞已到香港。有不自至上海之信。佛夷梅爾登。自兵照等將撤防索費兩事。回覆以後。亦未復來理說。除仍會同撫臣。督飭薛煥等。設法羈縻。相機妥辦。一面密探該夷舉動。隨時具奏。並將該酋等。照會大學士之文。封送軍機處。聽候。

訓示外。理合恭摺密奏。並照錄新聞紙一件。及往來照會信函四件。一併恭呈。

諭軍機大臣等。何桂清奏。英佛各酋。呈遞照會。意存挾制。並鈔錄。

新聞紙呈覽一摺。喚佛各酋呈遞大學士公文。有欲令中華想
答派員赴津迎接。及長駐京城。賠償兵費各節。大致相同。所言
狂悖已極。已由軍機大臣。照會何桂清。轉覆該酋矣。所遞譯出
該夷新聞紙。有喚佛增兵共有三萬之衆。攜帶礮械等具。仍攻
天津。并有於北塘左右。窺得水勢深處登岸。直抄津口礮臺之
後等語。雖不足深信。然嚙嚙斯與布爾布魯。狼狽為奸。其情兇
狡。所言添兵及登岸攻我礮臺之後。亦不可不防。著僧格林沁
恆福。相度形勢。妥為布置。務使防禦周密。計出萬全。方操勝算。
毋涉大意。原摺及所呈新聞紙。著鈔給閱看。俄酋伊格那提業
福。因吉林地界一事。不允所請。呈遞照會。有兵船數隻。欲來北

塘。並有俄夷書信。求為由京送至上海等語。當經給與照會。將原信發還。現屆春融。如有俄夷兵船。前來北塘。僧格林沁等。即告以原定和約。並無兵船前來之語。所立專條。係海口無事之時。方准俄夷由北塘行走。現在海口設防。若隨帶兵船前來。則各國言語像貌。無從辨認。且恐別國冒充滋擾。儻被官兵誤傷。反失和好。勿得在海口逗遛。致多不便。該夷若以解送槍礮為名。駛至近岸。著仍遵前旨。令在欄江沙外停泊。由內地另派小船。搬運進口。仍當嚴密防範。至在京俄酋聲稱。派人前赴北塘。難保不別生詭計。如果有俄夷由京來至北塘。著該大臣等。嚴密查訪。擊獲。派人解京。毋令窺探虛實。是為至要。

辦理軍機處為咨覆轉行事。昨准貴大臣來咨。並遞到英
國使臣噶照會一件。被閱之下。良深駭異。內如

欽差大臣桂等。未將北塘河口敘及一節。查上年

欽差大臣桂等。在上海專候英國使臣。面議換約事宜。迨探聞該

使臣噶。已到吳淞海口。即經該大臣等。疊次照會。約期相

見。原擬告知大沽設防。應由北塘行走。乃該使臣拒而不

見。復經

欽差大臣桂等。知照該國兵船。萬不可駛過攔江沙等語。而英國

使臣噶置之不理。迨到天津海口後。直隸總督恆。差員投

遞公文照會。由北塘行走。並送食物。該使臣概不收受。遠

將船隻駛入大沽。毀我防具。豈得謂北塘行走之說。絲毫
不令聞知耶。且該國既來換約。何以隨帶兵船。顯係有心
尋釁。何以反謂中國失禮。至大沽之設備。亦非為備防英
國。設竟有他國兵船。冒用英國旗幟前來。豈能聽其無禮。
即將來互換和約之後。大沽之防。亦不能撤也。又如賠償
各項。並送還礮械船隻一節。亦屬非理。中國所用兵費。實
屬繁多。且如廣東福建。以至天津沿海。歷來設防。為費不
下數千百萬。如向英國索賠。則英國所費。尚不及中國之
半。至送還礮船一節。前年英國將大沽礮臺拆毀。得我礮
位若干。英國又當如何賠償。况英國船礮半沈海中。中國

毫無所得。均可置之毋議。又如換約以後。通融別地居住。應作罷論一節。查互換和約以後。或擇別地居住。或以要務隨時往來。前經英國使臣額與

欽差大臣桂等議定通融辦理。今該使臣以通融之議。作為罷論。尤出情理之外。上年味國換約以後。改定噸鈔章程。及在臺灣潮州通商。經英國使臣額請照辦。雖英國並未換約。大皇帝仁慈。寬待外國。體恤商情。一體施恩。准行。英國亦當知感激。若云議定通融辦理之事。可以罷議。則中國已許英國照味國改定噸鈔通商各節。亦無不可罷議。至該使臣所請北來換約。以禮相待之處。如該使臣真心和好。凡和約

內應行通融辦理事宜。悉聽貴大臣斟酌。於上海定議。各無異說。後不帶兵船。減從北來。於北塘地方守候換約。在中國必不咎其既往。當令查照味國換約章程。再行商量辦理。儘必欲多帶兵船。仍從大沽行走。是並非真心換約。則應聽海口辦防之大臣。據理酌辦。至該使臣此次行文。語多悖謬。不足深較。向後不宜如此無禮。以上各節。應由貴大臣。即行轉告該使臣查照。未可固執己見。致多貽誤。須至啟者。

辦理軍機處。為咨覆轉行事。昨准貴大臣來咨。並附遞。惟國公使。喃。公文一件。內稱。去歲五月間。抵天津海口。方冀

進京換約。不意被中國防堵官員攔回。並擊毀船隻。賠償兵費等語。所言殊屬非是。上年五月。英國不遵理諭。毀我海口防具。致起兵端。本非中國失信。嗚味二國並未隨同附和。彼時海口官員。尚派人探訪嗚味二國船隻。令其由北塘進京。而佛國船隻已經遠去。僅有味國船隻。至北塘換約。是佛國並未先行照會。亦隨同前來。何得謂之攔回。况該國去後。貴大臣曾於上海付給照會。佛國既未隨同接仗。如願換約。即由北塘照味國一例辦理。已經行知在案。至擊壞船隻。賠償兵費一節。佛國既未與中國交兵。何以被中國將船隻擊毀。若云賠償兵費。則中國歷年之兵

費○豈止數千百萬○即兩相償○尚不敷中國所費之半○况去歲○神國求照味國在臺灣等處通商納鈔○

大皇帝仁慈○寬待外國○並體恤商情○故雖和約未換○亦准其照味國一體納鈔○是待神國不為不厚○今不獨不知感激○且反出起免攻擊○賠還兵費之語○且行文本處○直云限日照會種種情節○尤出情理之外○至長駐京師一節○查天津所定和約○本無此條○惟第二條內○祇載凡與中國有立章程之國○或派本國欽差公使等○進京長駐者○神國亦能照辦之語○上年英國屢次懇請○經

欽差大臣桂等○向該國業已言明○不長駐京○是駐京一事○神國是

無庸再議。所請准其北來換約一節。如佛國於和約內。應行通融辦理事宜。肯聽貴大臣斟酌。在上海定議。各無異說。後仍照和約。少帶從人。中國亦必以禮相待。准其前來換約。斷無隨帶兵船前來之理。然仍須由北塘行走。若隨帶兵船。並仍由大沽海口前來。則是佛國並非真心換約。反失和好之道。恐生疑忌。諸多未便。以上各節。應由貴大臣。即行轉告該使臣查照可也。須至啟者。

新聞紙。

英國發來中國之兵。現又加增。除水手外。現發黑白兵各一萬。佛國日前發兵八千。現亦加二千。湊成一萬之數。總

共喫喇兩國登岸交戰者有三萬之衆。該糧食軍器船現加至八號之數。每號可裝三萬餘糧。第一至第五號已經開行。第六七八。現亦趕裝軍器。指日亦可啟行。

現今喫國動兵。欲往中原盡力而行。有大銅鼻要到中原。現至沙吞吞地方。已經載在海末來亞船上。至亞拉山。由亞拉山至所合司。因所合司定有船隻。可載此鼻到香港。喇蘭晒進中國之兵。盡已啟行。兵船現在亦已加增。喫國連日有獻策者云。此次到中華交戰。不宜到天津。緣津河難進。且泥灘數十里。難以登岸。即登岸亦難抵京。因路途

梗阻。河道甚多。雖有橋梁。必先毀去。加以蒙古馬隊。由險地衝來。難保無慮。莫若改道。光年間。復踞南京。不憂和事不成。且長江深闊。兵船易於往來。兵船泊至城脚。真萬全之策。有云。此策不善。道光年間。非今日可比。彼時北京米糧。全由糧河運京。彼時番兵。非以踞南京為重。乃以截糧河為重。今日糧河已塞。北京米糧。全靠海運。是以此次仍攻天津。方能截海運之米糧也。且番兵守廣州兩載。中國竟不以為意。今何故又徒守別城耶。且查八年額爾登錫。天津未及幾日。大事已解。妥由此觀來。現在踞天津。勝於南京多矣。雖有泥濘難行。道路梗阻。塞河斷橋。馬隊衝出。

諸情事。然番兵於此次。俱已豫備浮木礮臺。泥灘木排。上城。輕梯。渡江浮橋等件。若馬隊衝出。番兵亦有馬隊接仗。三萬之衆。何愁不能到京耶。况番兵現於北塘左右。覓得水勢深處。登岸無難。若由該處登岸。直抄津口礮臺之後。先將礮臺攻毀。即行攻克天津。後進京都。大事成矣。

現聞得新選喇首名冒斗班。已於本月初間到香港。日內亦可到上海。

又聞得喇兵到中國時。必取舟山地方。以為屯兵之所。
壬申。

諭軍機大臣等。昨據何桂清奏。夷首意在脅制夷商。並接收英喇

各首照會公文呈覽一摺。業經諭令軍機處。按照來文情節。分別咨覆該大臣。轉覆該首矣。照會言詞。諸多狂悖。而尤於駐京賠費二層。噉噉置枘。可見其意所專注。強詞奪理。該大臣以覆文給予閱看後。即當飭令薛煥。督同吳煦等。密諭華商。籠絡夷商。設法詳細開導。以期消患未萌。無論駐京一事。從前已說通融。斷不能再准。即擇地居住之說。亦不可行。該國通商處所。皆有領事官住居。何又添出官員居住。不通商處所。道光年間。從無此事。亦不可行。至索償兵費一節。嗟夷釁由自啟。本無賠償之理。且中國所費。豈止數千百萬。應向該夷索令賠償。除抵還四百萬外。尚須找給中國。惟夷情惟利是視。未必聽從。萬不得

已亦須將兵費二百萬抵償。其賠貨之二百萬。作為華商分年代賠。務令交還廣東省城。辦夷之二百萬。亦准此辦理。至增添口岸一節。除長江內固不可行。此外。英國所求牛莊。登州。皆與天津逼近。亦難允准。只可照味夷增潮州。臺灣二口。此外。不增。如必不得已。英國可再添其所請之瓊州一處。佛國可再添其所請之淡水一處。連潮州。臺灣。已共添四口。不為少矣。以上各條。何桂清等。先勿宣露。應俟該夷悔罪求和。以為轉圜地步。如該夷等於應行通融事宜。悉聽該大臣等斟酌。各無異說。真心換約。方能援照味夷成案。准由北塘行走。若欲大沽。嚴防。可告以中國設防。雖換約之後。亦不能撤也。其遊歷內地。及長江設

立馬頭二條。該大臣等務當竭力消弭。蓋一與換約。即當永遠
進行。毋貽後日無窮之患。總之該夷此次照會。雖不露求和之
意。已屬外強中乾。其情大可想見。全在該大臣等迎機以導。妥
為辦理。方不負朕委任也。如果該夷不聽開導。船隻竟行北駛。
即著薛煥馳驛來京。不可耽延。

戊寅。

欽差大臣科爾沁親王僧格林沁。直隸總督恆福奏。本月初八日。
承准軍機大臣字寄。三月初六日奉。

上諭。何桂清奏。喫佛各酋。呈遞照會。並鈔錄新聞紙。有喫佛增兵
共有三萬之衆。於北塘左右登岸等因。欽此。查喫佛各酋。所稱

增兵三萬。固不足深信。亦不可不加意嚴防。北塘雖未設守。而左右皆係鹽灘。該夷登岸不易。即使冒險越過鹽灘。北塘後路。現有馬步各營。該夷亦不能直抄礮臺之後。夷兵果有三萬。現在馬步兵力。加之逐層布置。足資抵禦。可以仰慰。

宸廬。至俄首欲派人前赴北塘。等已密委妥員。在天津大沽蘆臺營城北塘等處。不動聲色。留心密查。如有俄夷前來窺探。一經拏獲。即行派人解京。再查喫味各酋。自上年五月受創之後。初未嘗不即圖報復。揆其兵力有所未逮。更恐再經失控。難以為國。欲就我求和。既慮我索兵費。又慮海

外各國從此輕侮。是以屢經風示夷商。冀其轉圜。而仍以
虛聲恐嚇。藉此不失體面。此等情形。已屬顯然者一也。上
年該夷攜帶兵船。駛至海口。係屬有心。以兵力要挾。
是以明知大學士桂良等。在上海守候多時。並不往見。惟
恐窺破奸計。據為隄防。不能逞其狂悖。本年果欲增兵報
復。上海必不稍露風聲。節次何桂清奏報。探聞夷兵或稱
二萬五千。或稱三萬。兵船若干隻。礮火若干位。上海添蓋
棚廠。不日兵到。柘止。某商認辨麩食。某商認辨牛肉。明目
張膽。隨意宣揚。至愚之人。計不出此。况非至愚。夫兵行詭
道。千里襲人。則當衝杙臥鼓。出其不意。攻其無防。焉肯使

人知覺。豫作準備。是其有意求和。不肯先出諸口。此等情
形。已屬顯然者二也。夷商。夷酋。何所區別。言未出口。他人
難以窺測。夷商窺測。皆嗾斯之意。欲請中國先行給予一
文。囑其弭兵。約其何時赴津。何時進京。兵費兩不賠償。皆
首有心就撫。投意夷商。而又將萬難准行數條。故意刁難。
欲使我先行給伊照會。此等情形。已屬顯然者三也。上海
道吳煦等。歷次與夷商辯論之詞。不抗不卑。頗為得體。且
辦理一切均合機宜。惟此次接收該夷給大學士照會。並
允其轉稟代奏辦理。似為失計。無論所言如何狂悖。要挾。
總是照會先自彼出。則我措詞立論。皆易著手。該酋在上。

海將一年。大言恫嚇。虛壯聲威。百計圍維。詭詐畢露。因我不墮奸計。萬分情急。不能忍耐。是以另生小巧。專給大學士照會。以避自彼求和。且該夷二十年來。養成驕性。一望其俯首帖耳。搖尾乞憐。是誠不能。所以照會內。仍不免有狂悖字句。在吳煦等。當告以兩江總督。係中國重臣。又係辦理夷務。

欽差。此文不能寄京。即當送呈。

欽差辦理。該大臣接到此文。立即答覆。先責其上年之不遵理諭。然後婉言訓斥。妥為安撫。果能悔過打誠。許以奏請。

恩施。免交兵費。仍准照舊通商。若不願和好。仍要報復。前在大沽。

受創自應再往大沽決戰。方不失爾國體。而戰勝則任爾所為。僕再挫敗。毋貽後悔。如此答復。亦斷不至決裂。該夷勢必強詞置辯。於漸次就我範圍之中。仍寓要求謀利之意。無傷大體。而有利於彼者。無妨俯允數條。既可稍如其意。又足全具體面。息兵就撫。在此一舉。過此機會。辦理又費周章。此次該夷固屬不能忍耐。先出照會。仍藉此嘗試。看我如何答覆。今該大臣與該夷照會。遽允為轉遞。京師未免示之以弱。該夷既經窺破。從此意外要挾。不一而足。稍拂其意。必以兵力脅制。兩江總督何桂清。接奉批摺。自應照會該夷。而該夷復文。勢必另有一番要求。可否

飭下該督臣體查情形。儻該夷情詞恭順。所請似可俯允。自當代
奏請

旨。如仍前狂悖。所請難以准行。應即飭駁。不得遷就拘泥。致令該
夷視為輕易。至上海係通商之處。該夷不肯滋擾。勢必沿
海窺伺。大沽布置地勢。該夷盡知。非計出萬全。不敢輕舉
妄動。即或駛至。不遇停泊游移。假以投文為名。窺探虛實。
暗施奸計。等公同商酌。夷船駛至。投遞照會。概不接收。
令其仍回上海。告以該處有專辦夷務大臣。看其如何舉
動。現在惟有將各處礮臺營壘嚴密布置。以期穩固。惟土
性不堅。乾則酥裂。一遇陰雨潮浸。即行脫落。必須不時修

補。現當防務萬分喫緊之際。明知餉項不能充裕。亦不敢
顧惜經費。有誤事機。本年大沽山海關防兵加添數千名。
月支餉銀甚鉅。幸蒙

皇上天恩。由部撥解銀二十萬兩。連直隸設法勸捐。藩庫籌救接
濟。計可放至四月。四月以後。尚在無著。等語。趕緊設法籌
畫。儘力勸捐。能否捐有成數。再行具奏請

旨。

諭軍機大臣等。僧格林沁。恆倡奏違旨相度地勢。妥為布置一摺。
所稱北塘後路。有馬步各營。該夷不能直抄礮臺之後。辦理自
必妥協。所料該夷情形。亦能洞悉。至此次接收該夷。給大學士

照會業經何桂清允其轉遞。以後難以拒絕。若該夷到津。有求
遞大學士文書。恆福不妨拒絕。至前諭何桂清。英佛二夷應議
各節。必須在上海說定。方准其照味夷之例辦理。並非令其至
北塘再議也。儻該夷駛至大沽海口。不投照會。徑闖砲臺。毀我
防具。該大臣等自應開砲轟擊。痛加勦洗。或該夷假投遞文書
為名。仍欲拆毀防具。闖入大沽。亦不可不加懲創。若該夷投遞
文書。並無桀驁情形。著恆福派員前往收接。看其如何措詞。如
已在上海議定。並未帶有兵船。即酌量允其代表。若語言狂悖。
別有要挾。即行拒絕。告以應回上海。與辦理通商之欵差商議。
此地不能接收。儻該夷恃強狂悖。即可置之不理。若仍有意尋

釁直攻礮臺亦即督兵轟擊如此分別辦理不致過激使該夷無所藉口方為妥協其間操縱機宜該大臣等務須臨時斟酌辦理是為至要若該夷已遞照會並無悖慢之詞又無毀防情形該大臣等即督兵轟擊使該夷有所藉口更激其決戰之心亦必惟僧格林沁等是問

己卯

盛京將軍玉明奏稱於本年二月二十五日督兵攜印由省起程當經奏明在案茲於二月二十九日馳抵田莊臺防所各起馬步官兵一千二百名均已到齊隨即分撥南北兩岸三營駐紮申明紀律傳知各營將弁務須嚴肅整

齊一體鎮靜。其槍礮技藝仍令防兵按日操演。務使精嫻。並委員協同紳士督率民團。勤加習練。復於南北兩岸礮子房立料一帶大小溝溝地方。業經豫為詳細瓏勘。以備安置疑兵。臨時設伏。至兩岸礮臺營牆。遵奉

諭旨。加高培厚。所需物料。早經剴飭地方官備齊。運赴工次。現在河冰未泮。土脈尚欠融和。惟防所要工。未便延緩。已於三月初二日開工。漸次興作。查田莊臺原設礮臺礮位無多。沿河隄岸。地勢較高。礮路之遠近。必須酌中通用。而河灣水面相距不遠。若將岸上礮臺丈尺。再行加增。則迎擊愈覺臨高射下。轉不得力。等相度形勢。似應因地制宜。擬將

墩臺兩旁○加寬培厚○且可多設墩位○其營牆內外○均照議
加添木格○用土培築○務令堅厚穩固○藉資抵禦○惟此次培
修工費○雖比上年工程較減○而營牆兩面○俱用木植○需費
未免浩繁○現仍極力樽節○屢飭匠役○實力修作○不准草率
偷減○總期工歸實用○餉不虛糜○其加高培厚丈尺作法○容
督隨時酌量○工竣時再行繪圖○詳細貼說○恭呈

御覽○

硃批○知道了○

廣東巡撫耆齡奏竊○督前在江西省城○承准軍機大臣密
寄○欽奉

上諭○粵東自勞崇光入城任事以後○疊據奏報○在城夷兵無多○民
夷尚相安等因○欽此○又於贛州途次○承准軍機大臣密寄○欽奉
上諭○有人奏○廣東夷人占踞等因○欽此○等前因病未痊愈○驟難赴
任○當派隨員先行赴粵查探○茲^等行抵贛郡○適委員自粵
拆回○又有粵省來見官紳^等詳細詢問○知廣東省城○夷兵
來去無常○現在不過一、二千人○省河內添造小船數百隻○
每隻可載數十人○時赴香港○時泊省河○並在省河扼要之
沙面地方○填海築房○奸細所在○皆有○不可勝計○且每日有
夷人二名○常在督^臣署中○往來文報○該夷均登號簿○此外
各衙門○夷人亦間或前往○查看文卷○勞崇光所用武弁陶

培昌及候補知縣許慶溶與外間暗通消息是以各官舉
動○夷人無不周知○英帥夷酋現居將軍學政藩司三衙署
及廣州府南海縣兩學宮以為辦事之所上年九十月間
夷人將省城周圍丈量欲向民間按月收取房租經勞崇
光允以官為代收遂於總局每月提給銀二萬兩並未取
之於民而省城內外商賈貿易地方官先欲抽取釐金實
為夷人阻撓其佛山鎮釐務因承辦委員所定章程過於
繁細以致窒礙難行勞崇光到任後派委在籍知府潘世
榮候補知府段詰辦理洋藥抽釐有漏稅奸民經段詰等
查獲管押該民親屬赴訴英夷情願受罰夷酋吧嘎禮令

人轉告廈局。該委員段詰。悉其恃夷挾制。咎責三百。吧噶
噶聞知。即親自前來。將段詰帶往將軍衙署。聲言亦將如
數咎責。經南海縣知縣華廷傑。往為剖解。始得釋回。其省
城民情。當夷人初入城時。紳民紛紛逃避。後以該夷在城
日久。多方要結人心。無識愚民。還者日衆。而富紳大族。遂
亦稍稍歸來。約計現在城內紳民。去而復返者。已有十之
六七。無業貧民。並有供其役使。甚至賣身於夷。至存城兵
丁。因從前已被該夷。將軍器全行收去。氣已甚。且有與
夷人結為姻親者。此廣東省城近來大概情形也。粵伏查
廣東民情。勇敢堅定。素與夷人為讎。乃自該夷入城之後。

被其威脅利誘。歷時三年。轉為所用。此日民情。迥非昔日可比。該夷既在觀音山紮營。復占踞各官衙署。現入在沙面地方。填海築房。以扼省河衝要。根柢日深。奸謀巨測。此時若調容兵進取。恐難尅期奏功。才愚昧之見。今日辦理粵省夷務。入手要著。必先激勵士氣。收拾民心。掃除土匪。力行圍剿。而於該夷則仍不動聲色。俾無疑忌。俟機有可乘。藉資民力。明攻暗襲。使該夷知衆怒難犯。駐足無方。庶可驅之出境。收復省垣。容俟行抵粵東境內。妥籌辦理。並確探英情。離合。兵數增減。以及作何舉動。隨時奏

聞至勞崇光身處城中。夷人防闕甚密。誠恐一時難以抽身出省。且左右既有奸細。前奉

諭旨。亦不敢遽行得知。免致漏洩。

硃批覽奏均悉。

戊子兩廣總督勞崇光奏。近日夷務情形。現偵探確實。噶夷兵約一萬二千人。噶夷兵約八十人。已陸續自伊本國開船。三月內可以到齊。噶夷新兵頭孟朵却。先到香港。旋來至省城。在觀音山一宿而去。並未來。臣著謁見現聞已赴上海。噶夷新兵頭萬葉亦已到香港。尚未聞來至省城。據商人等密報。該夷有馬隊兵二千。將赴山東利津海口。

登岸。由武定府陸路直趨天津。以臣稿之馬二千匹。由火輪船航海七八萬里而來。似非情理。且由利津陸路至天津。並非衝途。一千人安敢冒昧深入。難保非故騰此說。使我備多力分。惟既有此議。不敢不據以上

聞。請

旨飭下山東撫臣。暗中布置防範。以期有備無患。

諭軍機大臣等。據勞崇光奏。近日夷務情形。請飭布置防範等語。所稱喫帶夷兵。陸續由本國分赴香港上海等處。與何桂清等探聞之詞。大略相同。惟據稱商人密報。有馬隊二千。將赴山東利津海口登岸。由武定府陸路直赴天津各等語。該夷多帶馬

匹。遠涉重洋。似無其理。然所歷閩廣浙蘇等省。隨處可以買馬。亦難保必無其事。山東省兵力單薄。前據文煜奏。籌辦海防。擬令青州適中之地。駐紮重兵。以備聞警策應。其各海口未能設備。利津毗連天津。既有所聞。自應早為布置。若借格林沁。即派委員。前往察看形勢。應如何扼要守禦。使其不能深入之處。妥籌辦理。一面飛咨文煜知悉可也。勞崇光原奏。着鈔給閱看。

庚寅。

欽差大臣科爾沁親王借格林沁。呈報總督恆福奏。近日運米商船。陸續進口。查詢上海夷人。並無動靜。海面亦不見夷船行駛。惟節據登州鎮總兵曾達年稟報。夷船數隻。在之罘。

島長山島芙蓉島等處。或停泊一二日。或來往遊移。飄忽靡定。夷情叵測。不知其意何屬。等語。惟有水旱兩路加意嚴防。不敢稍涉大意。

硃批。知道了。

甲午。

欽差大臣兩江總督何桂清奏。竊臣於咸豐十年三月初三十四等日。承准軍機大臣字寄。二月二十四。三月初八等日。

上諭二道。並軍機處咨會二件。當即繕備照會鈔粘咨文。飭發江藩司薛煥轉給。喚喃二酋去後。伏查喚首嗜嗜斯。其志本在報復。前此照會之文。該首以並渠先講理。如不允所請。

再行動兵。適值杭湖警報頻仍。松江一帶相率戒嚴。上海人民遷徙。市井蕭條。各夷領事編譯人等。時至道署探討消息。夷商亦向華商詢問情形。噶嚕斯從而生心。益思脅制。臣當即飭委薛煥。以察看海道為由。馳赴上海。設法辦理。幸杭城於數日內克復。噶嚕斯等靜候回文。尚無動作。三月十八日。接到臣鈔粘咨會之文。噶嚕斯閱後。大肆咆哮。內北塘換約一層。尤為忿怒。遂同喇首布爾。噶嚕斯。商議多時。十九日。復集夷商先行責備。以此次勞師動眾。糜費糧餉。所爭祇在大沽進京。爾等從前議立條款。總謂可以言和。茲復文為此。毫無緩和之意。可見爾等盡係謊言。惟

有一意決戰。處商則以所請太奢。多方剗。噶嚕斯置之不理。二十日。華商復囑處商往詢。有無復軍機處之文。據噶嚕斯云。將來到京面言。此時無可再復等語。揆覈情形。已將決裂。並探聞英佛兩夷。在日本等處買馬千餘匹。送至上海之虹口地方喂養。一面趕製鞍轡。又令木工造各式木架。鑽有多孔。行用木人乘馬。中藏火器。以為陸路衝突之用。不知是否確實。又聞前遭火輪船北駛。已於成山縣之海山。紮有夷兵。因成山對峙一山。中間一百五十里。凡船隻赴北洋者。均經此口。該夷兵專為攔阻漕船。及商貨船隻而設。又聞噶嚕斯之意。兵船到齊。概赴天津。並有

附近數處。到亦侵犯。薛煥等。因時勢孔迫。密諭華商。真行轉告夷商。設法阻其北犯。無如該首意頗堅決。總以不能由大沽進口換約。及帶兵赴津為憾。夷商入以中外用兵。不干我等之事。而攔阻漕船。不令南北貨船來往。直是絕我生機。即中華商人亦不甘心。誠恐眾怒難犯。嘗嘗斯悻悻而散。華商擬即邀集河船人等。與之講理。據薛煥等鈔錄新聞紙三件前來。最與前浙江鹽運使潘仕成錄送相符。臣查嘗嘗斯禁鴛情形。實堪髮指。自夷商議擬八條以後。該首意謂可以照行。經薛煥逐層辯駁。該首復與布爾布隆備是照會。則以駐京索費二事為主腦。尚係要求之

慣技。及至軍機處逐層指飭。該首又因北塘換約一節。大為拂意。犬羊之性。難以理諭。果其決意報復。亦斷非口舌所能爭。臣惟有諄飭薛煥等。會督華商。籠絡夷商。妥婉開導。設法羈縻。至布爾布隆。大抵悉聽普魯斯主持。該首隨聲附和而已。上海夷船。自二月下旬後。往來無常。現在停泊上海者。尚有十餘隻。聞喚夷兵頭葛蘭。喚夷兵頭冒牛。現已來至上海。該二夷兵船。有三月杪閏月初到齊之說。為期漸近。雖夷商尚為我用。轉圜實多棘手。除會同江蘇撫臣徐有壬。密飭沿海各縣營。妥為防範外。並飛咨

欽差大臣僧格林沁

盛京將軍直隸督臣山東浙江撫臣一體備防仍再密探情
形隨時馳奏萬一不遵理論徑行北駛即飭薛煥遵

旨馳驛北上

疎批知道了

諭軍機大臣等何桂清奏夷酋接到回文報復之念益堅一摺據
稱三月十三日噶魯斯與夷商公議先遣兩輪船赴北洋聽信
攔阻漕船並阻南北往來商船另遣輪船赴舟山聽信占踞定
海以為接應夷商等因先經華商開導再三勸阻未允十四日
果有輪船二隻北駛十五十七等日復有輪船二隻南駛並聞
英佛兩夷在日本等處買馬千餘匹送至上海之虹口地方縱

養製造又式木架。鑽有多孔。欲用木人乘馬。中藏火器。以為陸路衝突之用。人聞前造輪船北駛。已於成山外之海山。紮有夷兵。專為攔阻漕船。函船。普魯斯之意。兵船到齊。概赴天津附近數處。一齊侵犯等語。夷商普魯斯接到咨會。決意用兵。已有夷船北駛。自應嚴密防範。大沽海口。經僧格林沁。恆福。布置周密。著即時偵探。相機堵禦。該夷既有同時侵犯各口之說。則山海關。威京山。東各海口。亦應一體嚴防。著僧格林沁。玉明。文煜。督飭在防員弁。認真守禦。毋稍大意。現在江浙漕船到津者。數已不少。該夷既欲攔截往來。此項收泊沙船。或令其暫泊口內。或令其放洋。著僧格林沁。恆福。妥籌辦理。其未經收口之船。一

遇夷船攔阻。或赴奉天。○山東。○晉時停泊。王明。○文煜。○亦當熟籌辦。
法。○母令該夷搶掠。是為至要。

籌辦夷務始末卷之四十九